




# Ishali Shoorota

Leveled



Wolayttatto Doona



Ha gujo nabbabo maxaafay Yuu Essi Eyidiyappe (USAID) beettida miishshaa maaduwaa Seev Ze Childdirenee (Save the Children), Luxettaa Moconaynne Tohossa Dalgga Manttiya Luxettaa Beeroy issippe hashetin giigidi attamettidaagaa.

2009 M.L.



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.

For more info please refer: <https://creativecommons.org/licenses/>




# Ishali Shoorota

Kifilee 3

Saaminttay 4

Leveled



# Luxissiyageetussi Kaaletuwa

Naati nabbabuwa doommanaappe kase misiliyanne huuphe yohuwa bessidi nabbaboy odiyoba malana mala oychchite. Nabbabi simmidi wurssettan de'iya oyshata zaarana mala oottite.

Nabbabuwappe kasetiya Mali be'o  
Oyshaa

Huuphe yohuwanne koohuwa bollan  
de'iya misiliya xeelliyo wode ha  
nabbaboy ay odanaba milatii?



Ishala wonttimaattan xiskkuwappe  
abaraadaydda denddaasu. Denddido  
sohuwarakka maayuwa maayada  
kariya dooya yeggada sooppe kiyaasu.  
Qan"iya qan"ennan mela uluwan  
kiyaasu.

A wonttimaattan kiyada biyogaa so asaappe oonne eribeenna. Karee dooyishin asaa xiskkuwappe denttenna mala loddan dooyada kiyaasu. Guyye simma xeellaydda dirssaa kariya dooyada kiyaasu.

Ishalo guuraara kessiday siiqettidi de'iya shooruwa koyyonaassa. Issippe luxetta keetta biya shooro demmana gaada bawus. Issippe kaa'iya, so ooso oottiyanne nabbabiya shooro demmannaagee Ishalo keehi laamottiis.

Ishala ba heeran hegaa mala lo'o  
shooro xayaasu. Issoy issuwa saro  
aqidetii saro pee'ideetii giyobi eta  
heeran baa. Sakettin oyshettiyyogee,  
maadettiyyogeenne naati naatuura  
gayttiyyogee Ishalintta heeran  
erettenna.

Issi na'i geelladan ba shooro  
naatuura kaa'ishin yelidaageeti be'ikko  
hanqettoosona. Issippe iitan kehan  
maadettidi de'iyogee Ishali heeran baa.  
Issoy issuwara gaytannan gallassaa  
muliya pe'ooosona.



Hegaappe denddidaagan Ishala  
siiqettiya shooro koshshaa kiyaasu.  
Ishala heeran bantta shooro naatura  
ka'ananne nabbabana koyyawusu.  
Etaara issippe luxetta keetaa  
baanawunne yaanawu koyyawus.

Gidikkonne I qofaadan haniya shooro demmabeykkku. Ishali heeran issov issuwara gayttiyogee mule hanenna. Yaatin ba heeraappe siiqettidinne maadettidi de'iya shooro koshshaa doommaasu.

Ishala sooppe kiyada unddenna sohuwa hemettishin genessay ogiyan gayttiis. Yaatidaara, “Ishalee ha guurara awa baydda de'ay?” gaada oychchaasu. Ishalakka, “Genessawu siiqettidi de'iya shooro koshshaa kiyaas,” gaasu. Genessaykka zaaridi, “Ne shoortishin?” giidi oychchiis.

Ishala, “Nu heeran siiqo giyobi baa; hegee qassi tana keehi iitees,” gaasu. Genessay Ishala odiyoban keehi maalaalettiis. “Asay ba de’iyo heeran waanidi siiqettidinne maadettidi de’ennee!” giidi genessay keehi maalaalettiis.

Genessay eti wora giddon issippe maadettidi de’iyogaa Ishalissi odiis. Eta miya morkkee yiikko issippe banttana ashshoosona. Qumaa demmikko issippe shaakettidi moosona.



Eta giddoppe issoy harggikko  
mittaa hayttaa koyyi ehiidi  
mizidi pattiigoosona. Qaariyara,  
geleshshuwara issippe kaa'ooosona.  
Issoy issuwa genekkonanne iitabaa  
qoppokkona.

Ishala genessaynne dumma dumma  
do'ati maadettidinne maayettidi  
de'iyoga odin keehi maalaalettaasu.  
Ishala hegaa mala shooroy baassi  
de'ana mala amottawus. Ishalakka  
genessay bantta heeraabaa odidoogawu  
galatada buussaa doommaasu.

Guuttaa hemettaydda wolqqaama  
aafuwakko gakkaasu. A aafuwa matan  
eqqada mittaa maalaalettada xeellishin  
wontta genessay woxxidi gakkiis.  
Gakkidaagee, “Ishalee hagaara efya  
ogee baattennee,” giis.

“Hegaa bollankka nu shooroti waanidi siiqettidaakkonne ta neessi odana. Nu shoorotikka koyro intteegaa malashin ha'i laamettidosona. Ha'i nu heeran intteegaadan haniya shoro issuwakka demmakka.

Hegaa qassi be'anawu tanaara nu heeraa hindda,” giis. Yaatin Ishala guyye simmada genessaara issippe biyogaa doommaasu. Genessaa heeray mata gidiyo gishshawu guuttaa hemettiiddi gakkiigidosona.



Ishalakka genessaa heeran wora  
meheti issippe waani de'iyakko be'aasu.  
Qumaa issippe moosona, kaassaakka  
hegaadan issippe kaa'oosona. Allagay  
yiyo wodekka kushettidinne maadettidi  
issippe teqqaosona.

Ha eti haniyobaa galjjada xeellaydda de'iya Ishalikko genessay yiis. Yiidaagee, “Hagaa mala siiqoy de'anaadan oottiday nuna. Nuuni hara mehee sirphphi giikko nu xeesidi wolqqan saroteettees.

Namisettikko awuppekka qumaa ehiidi issoy issuwa mizeettees. Harggikko xale gidiya mittaa hayttaa awuppekka ehiidi mizidi patteettees. Puuranne lancce giyobi nu heeran erettenna. Yaanishin ubbay siiqetiyogaanne maadettiyogaa go'aa akeeki akeekidi yiis,” giis.

Hagaadan oottidi siiqettana mala  
oottidappe attin koyidi demmibookko.  
Siiqo shoro medhdhanawu issi  
heeraappe hara heeraa biidi  
koyiyogaa koshshenna. Koshshiyabay  
haraati sirphphi giikko puurennan  
sarotana koshshees,” giis.

Ne shoro asi sakettikko neeni erenna  
asa gidikkokka baada coo oychcha.  
Naata akka xeesada etaara nabbaba  
nabbaba meezyana koshshees.  
Hegaadan oottidi siiqettiyanne  
issippetettan de'iya shoro medhdhana  
danddayettees,” giis.



Yaatin Ishala, “Tumaa geennan aggenna,” gaada ba wozanan qoppaasu. “Ane koyyaydda daafuriyogaappe genessay odobaa polays,” gaasu. Yaatidaara ba heeraa guyye simmaasu.

Ba heeraa simmada genessay odo  
maaran poliyogaa doommaasu.  
Guuran baydda shooro naata soo  
baada xeesada luxetta keetaa  
ekkada biyogaa doommaasu. Luxetta  
keettaappekka simmada issippe  
nabbabiyogaa doommaasu.

Hegaadan Ishala oottin naati issippe  
gayttidi kaa'iyogaa doommiis. Eta  
be'ida heeraa asaykka iitan kehan  
oyshettiyogaa doommiigidosona. Kase  
baynna issippetettay shooruwa giddon  
minni minnidi biis.

Ishala siiqetennanne gaytenna  
shooruwa siqettana mala oottaasu.  
Siiqettiya shooroy koyin gidennan  
nuuppe bessiya siiquwa immin  
belettes. Ishalakka ba heeraa  
laammidoy hegaa mala hiillaana.

Issippetettay baynnaagaa bari lo'o  
oosuwan zaarada ehaasu. Hanidabaa  
ubba odanawu issitoo kase O zorida  
genessaa heeraa baasu. Ha'i ba heeran  
siiqoy de'iyogaa odada genessaakka I  
immo zoriyawu keehi galataasu.

## Meeziya

- A. Kaalliya oyshata nabbabuwa baaso oottada zaara.
  1. Ha nabbabuwa giddon de'iya eeshshaawati oonee oonee?
  2. Ha taarikiya giddon merettida metoy aybee?
  3. Ha taarikiya metoy waanidi birshshettidee?
- B. Kaalliya oyshata nabbabuwanne ne buzo meeziyan keten"ada zaara.
  1. Ha taarikiyan de'iya metuwa malay intte heeran de'iyakko neeni waatuuteetii?
  2. Shooruwara siiqettidi de'anawu ay koshshees gaada qoppay?
  3. Ha taarikiya wurssettaa laamma giyakko waata laammuutee?

